

## ԳԵՐԱՇՆՈՐ Հ. ՄԱՇՏՈՑ ԵՊԻՍԿՈՊՈՍ ԹԱՋԻՐՅԱՆ

Գերաշնորհ Տ. Մաշտոց եպիսկոպոս Թաշիրյանը, ավագանի անունով Հովհաննես, ծնվել է 1895 թվականի դեկտեմբերին Կեսարիա քաղաքի (Թուրքիա) Կարմիր գյուղում, ծառայողների ընտանիքում։ Նախնական կրթությունը ստացել է ծխական դպրոցում և 1912—1915 թվականներին աշակերտել է Կեսարիայի Ս. Կարապետ վանքի հոգևոր դպրոցին։

1915—1920 թվականներին կրել է ծանր զրկանքներ զաղթականության օրերին և 1920 թվականին հաստատվել է Փարիզում, ուր հետևել է իրավաբանական և պատմադիտական դասընթացներին։

Այնուհետև, մինչև 1947 թվականը, Փարիզում և Լիբանանում աշխատել է որպես հաշվապահ և դատապաշտպան։

1947 թվականին ներգաղթել է Մայր Հայրենիք Լիբանանից և մինչև 1955 թվականը աշխատել է իր մասնագիտության գծով մի շարք հիմնարկներում։


1955 թվականի սեպտեմբերին առել է հոգևորական սրբմ և դարձել է Մայր Աթոռի միաբան։

1955 թվականի հոկտեմբերին, Ազգային-եկեղեցական ժողովում, ընտրվել է Մայր Աթոռ Ս. էջմիածնի Վերստուգիչ հանձնաժողովի անդամ։

Այնուհետև, 1956—1960 թվականներին, եղել է Մայր Աթոռի միաբանական սեղանատան մասնակարար։

1959 թվականի հոկտեմբերին ստացել է վարդապետական աստիճան և 1960 թվականին նշանակվել է Շիրակի Բեմի առաջնորդ։

1962 թվականի հոկտեմբերի 14-ին եպիսկոպոս է ձեռնադրվել Ամենայն Հայոց Վեհափառ Հայրապետի ձեռքով։



Գերաշնորհ Տ. Մաշտոց եպիսկոպոս Թաշիրյանը Մայր Աթոռ Ս. էջմիածնի նվիրված, աշխատասեր և պարտաճանաչ միաբաններից է և յուրովսան ու խղճի մտոք ծառայում է Մայր Աթոռին և Հայաստանյայց Առաքելական Ս. Եկեղեցուն։